



KOPI

**DET KONGELEGE
KOMMUNAL- OG REGIONALDEPARTEMENT**

Lærdal kommune
Postboks 83

6886 LÆRDAL

Dykkar ref

Vår ref

11/1314-30 KRT

Dato

24 OKT 2011

Statsbudsjettet 2011 - Kap. 552, post 72 Nasjonale tiltak for regional utvikling
- Tilsegn om tilskot på inntil 200 000 kroner til Lærdal kommune,
Kulturbasert entreprenørskap - Bulyst 2011

Tilsegnsnummer: 11203034

Vi viser til:

- Utlysing av bulystmidlar på www.regjeringa.no/bolyst
- Søknad frå Lærdal kommune i samarbeid med Lærdal ungdomsråd, sendt frå Sogn og Fjordane fylkeskommune 18. mai 2011.

Kommunal- og regionaldepartementet (KRD) gir med dette tilskot på inntil 200 000 kroner til prosjektet Kulturbasert entreprenørskap i Lærdal kommune i 2011. Under føresetnad om Stortinget sitt budsjettvedtak i 2012 vil departementet støtte prosjektet også i 2012, med 300 000 kroner. KRD vil sende eit nytt tilskotsbrev i 2012, etter at årleg rapport er motteke, sjå punktet om rapportering og kontroll seinare i dette brevet. Det kan ikkje pårekna ytterlegare medfinansiering frå KRD i seinare år.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretting, ulike tema og stor geografisk spreiing. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemeld og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom

bulystsatsinga. Vi ser fylkeskommunane som ein heilt sentral nettverksbyggar og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktsutvikling (Distriktscenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør også bruke www.distriktscenteret.no. Det er ein viktig portal for å finne erfarings- og forskingsbasert kunnskap fra andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Fagstoff/Veilederilokalsamfunnsutvikling.pdf>. Vi håper at rettleiaren kan kome til nytte i dykker vidare arbeid, og papirutgåva er difor også lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og fra pilotane til KRD og Distriktscenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Det overordna målet med prosjektet er å gjere lokalsamfunnet meir attraktivt gjennom kulturbasert næringsutvikling og entreprenørskap. Prosjektet skal m.a. bidra til at Lærdal skal vere eit attraktivt lokaliseringstilfelle for tilflyttarar, næringsdrivande og tidlegare utflytta ungdom. Det er også eit mål at prosjektet skal stimulere til vekst i talet på kulturbaserte næringsverksemder og at Lærdal blir ein stad der ungdomen trivast, er stolt over å koma frå og der ungdomen har lyst til å vere.

Kostnadsoverslag

Prosjektet har eit totalbudsjett på 635 000 kroner over 1 år. I tillegg har Lærdal kommune i søknaden informert om at Lærdal ungdomsråd vil bidra med eigeninnsats i form av arbeidstimar tilsvarande 500 000 kroner. Kravet frå KRD om 50 pst. eigeninnsats er såleis oppfylt. Under føresetnad om Stortinget sitt budsjettvedtak for 2012, gir KRD til saman 500 000 kroner over kap 552, post 72 i 2011 og 2012. Følgjande budsjett ligg til grunn for tilskotet:

Løn prosjektleiar inkl. avgift	300 000
Arbeid – Ambasadørordning	10 000
Arbeid – Sumarjobbprosjekt	30 000
Arrangement – Jordeplerock	65 000
Arrangement – Onsdagskonserten	15 000
Arrangement – Kulturfestivalar	95 000
Attraktivitet – Kulturell nettverksbygging	40 000
Attraktivitet – Lokalmat	25 000
Attraktivitet – Lærdal den digitale bygda	30 000
Diverse anna	25 000
SUM	635 000

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningsliner for posten på www.regjeringen.no/krd/retningslinjer.

Vilkår for utbetaling av midlar:

1. Lærdal kommune må innan 20. november 2011 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
3. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskotet tilsvarende. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
4. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlangar.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema. Vi ber om at den første, årlege rapporten vert sendt til departementet seinast 24. april 2012. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er òg lagt ved dette brevet.

Utbetalingsoppmoding

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalingsoppmodinga blir som hovudregel gjort i tre omgangar.

1. Departementet *kan* utbetalte inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (ettereskotsutbetaling). Dokumentasjon av utgifter *bør følgje* den årlege rapporteringa.
3. Den siste delen av tilskotet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (ettereskotsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfestande rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskotet er gyldig i tilsagnsåret, og dei to påfylgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2013. Utbetalingsoppmoding må sendast til departementet innan 1. desember 2013.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.

Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottak@ir.dep.no:

- Stadfesting på at prosjektet vert gjennomført og på at medfinansiering er på plass
- Behov for eventuell førehandsutbetaling
- Kontonummer og oppmodingar om utbetalingar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing

God Slning
Gerd Slning e.f.
avdelingsdirektør

Kari R. Theting
Kari R. Theting
rådgjevar

Vedlegg:

Rettleiar i lokal samfunnsutvikling
Rapporteringsskjema for bulyst

Kopi til:

Distriktsenteret - Kompetansesenter for distriktsutvikling
Plan- og administrasjonsavdelingen
Riksrevisjonen
Sogn og Fjordane fylkeskommune